



Faint, illegible text at the top of the page.

Main body of faint, illegible text, possibly bleed-through from the reverse side.

Faint, illegible text in the lower middle section.

Faint, illegible text at the bottom of the page.

Den Erbaren Fürsichti-
gen Ersamen vnd weisen Herren/Burger-
maistern vnd Rath / der Stadt Kottenburg auff der
Tauber / meinen gepietenden vnd großgünstigen Herrn.

Erbare / Fürsichtige / Ersame vñ weise /
großgünstige / vnd gebietende liebe Herren / Ewr
Erbarn Weißheit / sind meine schuldige / willige vnd
freüntliche dienste zū vor zc. Nachdem nun vierzehent
Jar verschinen / das ich erstlich von meinem Vatterland Kot-
tenburg auff der Tauber außgezogen / bin ich doch in diser zeit /
vil mals vorhabens gewesen / mich einsmals gegen E. W. vnd
Berürtem mein vaterland der gebür nach / danckbar zū erzai-
gen / hab aber dasselb bis hieher nie mit gutem fūg zū wegen bringen
mögen. Dieweil dan Got der almechtige / der Kö. Kai. Maie.
vnserm allernedigsten Herrn / beneben Hertzog Moriz zū Sach-
sen / kurzlich wider derselbē widerwertigen vngheorsamen Re-
bellen / so vnfürsachenliche / vñ glückliche vberwindung gegeben
vnd verlihen hat. Vnd aber ich geacht / das derhalben vil vnd
mancherlay / außgeschriben vnd fürgeben werden / deren ich dan
auch selbst etliche (doch gemaintlich nit vber ein lauttennde)
antreffen / das ich hier inn gnügsame reizung vnd vrsach hab /
mich hiemit Ewr E. W. vnd bemeltem meinem Vatterlandt
zū erzai- gen. Das ich aber mit solchem so lang verzogen / ist die
vrsach gewesen / das ich zū vor / ehe dann ich Euch was zū sende /
auff entliche warhait / vnd grund der beschehenen handlung
(meines vermögens) keme / Dann die drey Nationes / Teütsche
Hispanier vnd Hussern / sind bissher des angriffs halben in zwi-
tracht gestanden / hat zū letst die Kai. Maie. den gefangenen
Hertzog Johan Friderichen / etwa gewesen Churfürst zū sach.

sen/lassen befragen/wölchem er sich doch im ersten angriff er-
geben habe/ Antwort er/ dem Teütsch-n Edelman/Thill von
Trott/dem er seine ring vberantwort hab. Diereil ich dan bey
disem/der Kai. Maie. glücklichem sig selbst gewesen/ den mai-
sten thail augenscheinlich gesehen/zum thail auch von andern
ansehenlichen/warhafftigen vnd vertrawten personen/ neben
anwendung meines höchsten vleys/die warhait gründtlich zu
erkunden/weitter bericht bin worden/Als ich dan in disem sal/
niemandt/weder zu lieb/noch zu laid/sondern allain die rechte
vnd gründtliche warhait/wie sich das an jme selbst Begeben
hat/angezigt vnd beschriben/will mich hiemit gegen menig-
lich aller gefahr enntschuldigt haben. Oberschickh derhalben
E. W. hiemit dise meine geringe gab/ freünlich/diennstlich/
bittend/ E. W. woll hier jnnen mein wolmainenden wil-
len mer/dann dise gab ansehen/vnd mich daneben für den er-
kennen/der E. W. vnd benanntem Vaterland/von dem
mir vil güts beschehen/auch noch thünffrag gewerttig bin/ gern
in einem merern vnd größern dienen wolt. Mich hiemit E. W.
ganz vnderthenig beuelhende. Datum den xij. May/
inn der Kayserlichen Mayestat Veldtleger vor Wittenberg 16.
Anno Christi/M. D. XLvij.

E. E. W.

Williger.

Janns Bauman von Rottenburg auff der
Tauber/Büchdrucker gefell/yn 160 des durch
leüchtigen/Hochgebornen Fürstn vñ herzn/
hern Ferdinandē/Herzog zu Alba/Marg-
graff zu Coria/Graff zu Salua Terrazc.
Röm. Kay. Maie. Großhofmeister/Stat-
halter vnd Oberster V�dhaubtman/seiner
Fürstlichen genaden diener vnd Trabant.


Röm. Kaiser. Maiestat

vnd Herzog Morizen zu Sachsen etc.

Victori vnd oberwindung / wider Herzog

Johan Friderichen / etwa Churfürst

zu Sachsen / gründlicher Bericht.



Es die Römisch Kaiserlich vnd Königliche Maie. sampt Herzog Morizen zu Sachsen / vnd seiner f. G. Brüder Herzog Augusto / vñ allem Kriegsvolcke / zu Ross vnd Fuß / auf den Sonntag Misericordie domini / den 24. Aprilis / auf irem Veldtleger /

Bey der Jana zwischen Lummitsch vnd Mügeln zu morgens verruckhet / der veindt aber den tag zuuor / von Meissen / da er sich dann zu seinem vortheyl ain zeitlang gelegert vnd vergraben / aus forcht vnd schreckhen gezogen / vnd die bruckhen vber die Elb hundert im abgeprannt / auff das er von der Kayserlichen Maiestat nit vberreit solt werden / wiewol ire Maiestat den weg / dem gemainen gschray nach / nit auff die Stat Meissen zügenomen / sondern dieweil der ehegemelte Feindt / eilends die Stat Meissen hat müssen verlassen / vnd an der Elbe hinab gen Mülberg gezogen / vnd die Schispruckhen / in der nacht

zūvor dahin geschickt/als ist der Kay. Maie. mainig
vnd gemüt gewesen/das nachleger bey Strelen zū
haben/vnd nachmals den feind ferner zūsuchen.

Wie man nun das leger geschlagen/haben etliche
der vnsern/bis an den Elbstrom/gestraiff/vnd ver-
nommen/das sich der feind am andern vfer der Elb/
da Mülberg gelegen/haben hören lassenn/auch mit
halben Hacken/die vnsern vñ sy zūsamē geschossen/
auch ist vnser vorzug mit ferne von dannen/sampt
dem gewaltigen hauffen/bald hernach kōmen/wöl-
liches dann dem feinde/Hertzog Johann Friderich/
der eben zū der selben zeyt Predig gehört hatt/so gar
frembdt gewesen/das er vnser ankunfft/erstlich mit
glauben hat wōllen/sonder vns nur für ein gsamlet
vorlauffend volckh geacht/Haben gleichwol zū inen
mit geringem veldtgeschütz auch geschossen/sie auch
etliche schuß zū vns (Got lob) ohne schaden aus Mül-
berg gethon.

Nach deme aber aie Zufferen noch neher zūm feind
be feind kōmen/auch die Spänischen Hackenschütz/n/
die im vorzug waren/das wasser erraicht/so haben
sy dermassen/uber das Wasser zūsamē geschossen/
das die feind jr Gestatt vñnd Schisprucken/haben
müssen verlassen/vnd dem Stetlein zūgeeil/In dem
hat Kaiserliche Maie. auch etliche veldtgeschos an
das wasser bracht/da hat sich der feind von Sach-
sen/nit ein wenig entsetzt/ist eilends zū rath worden/
diweil er des Turmshirn/der ime die Behemen solt
zūführen/warttet/vñnd des Kaisers vnuersehen an-

Kunfft/nit vermaint hette/vñ volgendts auf Torgaw
vnd in die festungen Wittemberg zü ziehen/geeylet/
darauf er vonstundan/den Troß sambt dem geschütz
vnd etlichem füsuoelck vorhin geschickt/dann er mit
mer/dann zehen fenlin/vnd sibem geschwader Reüt
ter damals starck gewesen.

In dem haben sich etliche Spanier nackend aufge
zogen/vnd ire Kappier in die meuler genomen/vnd
hinüber geschwommen/vñ die prennende schifprucken
aufgehalten/wölche der Churfürst züvor züuerpren
nen befolchen hatte/mit disem hat ain Spanier den
andern hinüber gefüert/der Feind aber/hat sich mit
dem andern tail der Kaisigen/vns den baß aufzühal
ten/vnderstanden/vnd den seinen desto mehr raum
züm abzüg gegeben/vnd noch ain lange zeit daselbst
verharret/haben sich aber darnach die seinen/vnsern
hackenschützen/an irem gestatt/mit mer sehen lassen/
derhalben die vnsern verursacht worden sind/sonder
lich die Spanier/deren etliche ehe den Furt erfunden
ward/einzelicher weise in das wasser gesetzt/ertrun
cken/doch kamen etlich hinüber/des Feinds gelegens
hait züerkündigen. Als aber dieselben wider herüber
kamen/vnd von der feinde abzug aigentlich khundts
schafft/auch einen gefanngen/Hertzog Ernsts von
Braunschweigs Keitschmid/mit sich brachten.

In des hat hochgedachte Kai. Maie. ainen jungen
Baurfman antrossen/wölcher ainen durch Furt das
wasser gewißt vnd angezaigt/Darauff ir Maiestat
etlich pferd von Teütschen/Spaniern vnd Hussern

ordiniert/ vnd den angezaigten Furt/Bereiten vnnnd
besichtigen lassen/ vnnnd darnach bis in tausent pferd
vber die Elb gschickt/ die sich vonstundan/ iem brauch
nach/ auff alle ort gethailt/ Aber khurtzlich von den
Feinden wider an das wasser geiagt wordn/ welche
Feinde nicht am Furt des wassers gehalten haben/
sondern hinder dem Stätlin Mülberg.

Nach dem sie nun die vnsern wider an das wasser
getriben/ seind sy bey dem wasser mit bliben/ sondern
von stundan/ widerumb fern von dannen geruckht/
also ist den vnsern zeit vnd weil gegeben wordē/ sich
zusamen zūhalten/ vnnnd mit ien zū Scharmüzlen/
auff wölchem gefolgt/ das die vnsern/ desto mer Be-
herzter vnd freydiger/ aber die Feind erschrockhner
vnd verzagter wurden. In dem haben sich die feind
gar von dem wasser Begeben/ vnd den vnsern gewi-
chen/ vnnnd sich also aus irem vorthail/ denen sy einer
höhe halber des orts gehabt/ aus verzagung treiben
lassen.

Aber das ist ein straff gottes/ welches die fürnem-
sten heüpter/ wenn sy Got straffen vnnnd ernidrigen
wil/ zūvor also verstockt/ Das sy iren vortail nicht er-
sehen/ ire macht vnd sterckh nicht brauchen können/
sonder werden mit sehenden augen blindt.

Nach dem den die Kai. Ma. gesehen/ das die vn-
sern das gestadt/ jenseyt des wassers inne hielten/ vnd
vernommen/ das Herzog Hanns Fridrich im abzug
wäre/ Ist jr Maie. auff vleissig vnderthemig anhal-
ten vnnnd bit Herzog morizen zū Sachsen/ zū Rath

worden (gleich wol wider jr Maie. viler fürnembste
Hertzog Moritz vnd allen seinen Reütern sampt
lich durch das wasser/in einer schlachtordnüg/ziehen
lassen/vnd folgennds mit der Kön. Maie. vnd irem
vbrigem Kaisigen zeüg nachgedruckt/vñ dem feinde
nachgeeylet. Also kam in kurzer zeit/der gannz Kai-
sige zeüg vber das wasser.

Mitler weil hat man nicht vnderlassen/ein schiff
brucken/vber die Elb züschlagen/damit das füsuoelck
auch möcht hinüber komen/Aber die Kay. Maiestat
hat derselben/ noch das geschütz/mit erwartten wöl-
len/sonder mit dem Kaisigen zeüg/aufs eilends pers-
sonlich durch den Furt der Elb gezogen/Vnd was
man an den pferden hat gehalten mögen fort geruckt.
Wiewol Hertzog Moritz ein vertraute ansehenliche
person mit einē Trometer/Hertzog Hans Fridrichen
nachgeschickt/vnd ine vermanen lassen/weil er sehe/
wie die sachen gelegen/vnd das ers nicht güet hette/
wäre seiner S. G. Rath/wiewol ers vmb ine nicht
verdient/das er sich der Kay. Maie. ergebe/den sein
S. G. verhoffte/er solt gnad erlangen. Darzü er auch
treülich fürdern wolte/aber Hertzog Hans Fridrich
hat dem nicht verfolgt/sonder dem gesandtn gesagt/
es wären wortt damit man kranckhe sodlt trösten/
vnd den gesanten ein zeitlang/Bey sich behalten/vnd
ist vnlangts darnach der Trometer erschossen wordē/
der gesandte mit not darvon komen. Aber in solcher
eil vnd nachziehen/seind die feind drey meil/vō dem

ort/do man vber dz wasser komen/von vnserm vor-
zug erraicht vnd bestat worden/ Neben einem wald
die Locherhard genant/alda sy jr ordnung gemacht/
also das die füeßknecht/das holtz im vorthail/an der
seiten den raissigen zeüg/Aber die spiesser vnd schützen
auff der andern seiten ghabt/zü wölchen man beseits
eines gemöds vñ bösen graben halben nicht wol kom-
men mögen/aber der Troß vnd geschütz war schon
vor hin/Also das sy eben als wenig vortail des gros-
sen geschütz halben hetten als wir.

Als nun die Kay. Maie. mit irem hauffen den vor-
zug erraicht/vnd der Raissige zeüg aller zusamē kam/
ward den Hussern vnd geringen pferden beuolhen/
vor der feinde ordnüg hin/auf die füeßknecht zü ren-
nen vnd dieselben anzügreiffen/Hertzog Moritz aber
solt mit seinen Reütern inen nach/auff die Raissigen
fort drucken/welchem also geschach/vnd schossen der
feinde schützen zü Kopf vnd füeß auff die vnsern ab/
doch one einiges weichen oder zertrenung/nach wel-
hem abschiesßen setz der trewe Fürst H. Moritz (als
ainē eerliebhabenden kriegsman wol zimet) mit seiner
vorwart/vñ zweyen schützen fanen personlich/auch
seiner S. G. brüder/hertzog Augustus aigner person/
in der feinde schützen/Nach dem aber die feinde ab-
geschossen hetten/vnd nicht gleich wider zü schiesßen
verfaßt waren/ward folgends durch H. Moritz ge-
waltigen hauffen angegreiffen/vñ etlichen vom Adl
durch S. G. eigene hand geschlagen vñ gefangen

Aber der Feinde Reütter haben sich mit ersten/ vnd zeitlich in flucht gegeben/ vnd durch irer aigner füs knecht ordnung gedungen vnd zertrent/ Derhalben nach langem scharmützel haben sich die Füesknacht auch in die flucht geben müssen/ den die Hussern vnd geringe pferde warn inen auff dem hals/ vñ hiebens erbärmlich darnider/ Also/ das der Füesknachte der merer tail sind erschlagen worden/ Aber vor der Locherhaide ist die Niderlag geschehen/ Bey Rosdorff/ dem dorff angefangen/ vñ ist erfolgt bis gen Falckenburg vnd Beyersdorff/ wölches vor der Locherhaid ist/ der Raifigen seind nicht vil auff dem angriff platz vmbkomē/ aber im nacheilen/ welhs bis in die nacht geweret hat/ ist der merertail erwürgt vnd gefangen worden/ Der Troß/ Geschütz/ Cannzley/ Credentz/ Silber des von Sachsen/ vnd annderer mechtigen hern wegen/ darauf man vil gelts vnd güt gefundñ hat man im holtz ereilet vñnd geplündert/ vnd ist in sölher niderlag der feind bey drey tausent/ der vnsern aber vber fünffzig mit tod bliben/ Aber die Hussereu vnd Spanier haben sich bey der peüt mit geseümpet.

Aber nit fern von der niderlag/ neben einem holtz der Schweinart genannt/ haben etliche den gewesenen Churfürsten angetrossen/ vnd ein yeglicher gewölt/ er sol sein gefangner sein/ nemlich/ die teütschñ/ Spanier vnd Hussereu/ Aber er/ mit wenig der seinen/ sich in gegenwör gesetzt/ mannlich vñnd dapffer ge-

wört (darüber er auch eine wunden in lincken backen empfangen hat) vñnd gesprochen / Ich wil mich keinem gefangen geben / denn den Teütschen / Vñnd sich einem jungen Teütschen Edelman / Thil von Trott genant / vñnder Hertzog Moriz Reüittern gelegen / sich ergeben / vñnd demselben Teütschen Edelman / züm warzaichen vñ gezeügnus / zwen seiner eigener Ringe / so er defmals an der hand gehabt / zügestelt / wölcher er hernach selbs bekennet hat / Dieweil aber bis her dise drey Nationes inn zwispaltung gewesen sind / hab ich so lang dis nicht wöllen lassen aufgeen / bis zü rechter vñkund der warhait komen ist. Das der gewesne Churfürst selber frey offentlich bekant / Er sey des Thile von Trot gefangner / züm warzaichen hab er in seine Ring vberantwort.

Aber die Neapolitanischen Reüitter haben in genommen / vñnd zü dem Obersten Veldthaubtman / alls meinem gnedigsten Fürsten vñnd hern / Herrn Ferdinanden / Hertzog zw Alba ic. gefüert / wölches sein Fürstliche gnad als bald der Röm. Kai. Maie. kundt gethan hat / darauff jr Maie. benolchen / gedachten gefangnen Fürsten / für jr Kay. maiestet zü bringen / welches aber sein Durchleüchtigkait / Als obgemelt / Hertzog von Alba ic. der Röm. Key. Mai. züm dritten mal abgeschlagen hat / vñnd jr maie. dafür gebeten / vñnd sürgewendt / jr Maie. möchte sich etwan in der ersten hitz vñnd zorn / etwas vngnedigers gegen disem gefangnen erzaien / Als aber die Röm. Ka. Ma. solches

je hat haben wollen / ist er zu letzt für die Kayf. maie.
gebracht worden / Aber der gefangene Fürst / redet
vnder wegen gantz erbermlich mit einem grossen seuff-
zen vñ augenblich gen himel / Meserere mei domine /
nos sumus iam hic. Ach Got erbarm dich mein / wir
seind yezund hie.

Als Er nun zu der Kai. Maie. nahet / sprach Er /
Allergredigister Kaiser (in dem felt im die Ka. maie.
in die red / Ja / ja / Bin ich gnediger Kaiser) sprach der
gefangene Fürst / ich K. R. Kai. Maie. gefangener
bitt ewr Kay. maye / vmb ein Fürstlich gefengtnus /
Die Kaye. Maie. antwort / Ja / wie jr verdient habt
fürt in hin / wir wissen vns wol zūhalten.

Die Königlich Maie. redet in was hitzigers an /
fürwerffend / Er hab in vnd seine kinder veriagen vñ
in armüt bringen wollen / Ir seit ein feiner man.

Darnach ist gedachter von Sachsen / sambt Her-
zog Ernst von Grubenhagen / der auch mit im ge-
fangen worden / dem Maister de Campo / vberannt-
wort / vnd im zūgelassen / nach etlichen seinen dienern
die er begert / nach Wittemberg zūschreiben / die auch
zū im komen seind / vnd sein warten.

Er wirdt in seinem Wagen / des ehr sich zūvor ge-
braucht hat / Kai. Maie. nachgeführt / vnd mit Spa-
nischen hackenschücken verwart / vnd auff das beste
gehalten / vnd tractieret / so man haben mag.

Seine Sone ainer / Hertzog Hanns Friderich der
an der / ist auch an der Viderlag verwundt worden /

aber darvon kōmen/sonst vil treflicher leüt gefangen
worden/allß Hertzog von Grubenhagen/drey Gra-
uer vñ Gleichen/ain junger Graf von Beüchlingen/
ain Reuffe vom Plawen/ain Osterreichischer Herz
von Polhem/Jobst vom Hain gewesner Cantzler/
Georg Goldacker/der Jägermaister vñ ander haubt
leüt/vñ Ritmaister/Secretarien vnd vil vom Adl/
die Reütter vnd Knechte gemeinglich so gefangen
worden/haben sich beclagt/das sy vbel verfürst wor-
den/vnd das man ine von des kaisers ankunfft nicht
gesagt/sonder solliches zūm vleiffigsten verporgen/
vnd aus dem synn geredt/So hat sich hertzog Hans
Friderich gegen ainem/kurtz zūvor ehe Er gefangen/
beclagt/das er von den Behem übel betrogen wäre/
Vnd hat sich hernach ettlich mal die vntrewen Be-
hemen gescholten/aber im ist zū antwort worden/
er selbs hette sie vntrew gemacht.

Der von Beüchlingen vnd Keckerod der Sues-
knecht Oberste/vnd andere grosse Hanssen/seind nit
die leztē gewesen zūfliehen/vnd darvon kōmen/mit
welchen jr herz/Hertzog Hanns Friderich/den sie in
solher not verlassen haben/mit wol zū friden ist.

Aber die Rōmisch Kai. Mai. nach dem eroberten
sieg (Got sey lob) ist wider hinder sich vber das was-
ser gezogen/aber erst gegen dem tag/ins leger ankō-
men/vnd ist aldo zwen tag still gelegen/damit das
volckh vnd pferd/das gar müd was/wider rhüen
möchten.

Mitler zeit hat Römische Kayserliche Maie. alle gefangene verwundte kriegsleut/ der feinde/ in irer Maie. leger passieren/ vnd sy also verbinden/ flicken vnd arzneyen lassen/ deren ich selbst bey dritthalb, hundert gesehen hab/ vnd nachmals den 26. tag Ap^o pulis in ain fendlein/ irer Maiestat kriegsknecht zü geben/ etliche meylen belaiten vnd versichern/ vnd wo Got ain yegklichen hin versüg ziehen lassen.

Der Allmechtig Got schick alle sachen zü seiner götlichen ehre/ vnd zü annemüg seines Götlichen worts/ auch zü warer auffrichtung bestendigen fridens vnd Rechtens/ im heiligen Reich/ zü güeter ordnung vnd pollicey/ rhie/ ainigkeit/ vnd besserem gehorsam/ zucht vnd wesen/ dann es aine zeit her in disen landen ge- standen ist/ Amen. Hanns Bawman.

Datum/ den 12. tag May/ Aus Kaiserlicher Maiestat Feldleger/ vor Wittemberg.

M. D. XLVII.

o Gott erlöf die gefangene.

Gedruckt in der Fürstlichen Stat München durch Andre Schobffer.

